

4. Domenia de Pasca, 21.04.2024 - De dles Vocaziuns

Por cösc de él na Comisciun dla Diozeja co á mené fora n liber (+ ciandera) con l'envit da aprofondi le ponsier dla "Vocaziun" tles ploanies y ince tles families; da ponsé sora y samben ince da perié deboriada. Te cösc liber co ven dé ennant con la ciandera da familia a familia él plates blanches ch'an pó emplí con stories, rimes, ciances, fotos, dessegns, versc dla Bibia y con se fá pinsiars: Ci pó pa orei dí encö "vocaziun"?

Te nosta ploania gnará le tema "vocaziuns" aprofondi plü ennant. Enló gnarál spo ince partí fora i libri dla diozeja.

Desco vigne ann é düc enviés a tó pert ala **Prozesciun sö Oies** co ven tignida propi en cösta domogna dal **"Bun Famei"** dales **14:00 da Badia** con na picia funziun al Santuar.



Vita de ploania y de paisc

- **Encuntada con la comunité de ploania:** le Consei de Ploania envieia en lönesc, **ai 29 d'aurí, do Messa**, te Ciasa dles Uniuns a na encuntada con la popolaziun. Al gnará porté dant le proiet dla calogna y l'ativité dla ploania. Düc é bel enviés da tó pert.



1 Enformaziuns y termins

Messes a Oies: dai **24 d'aurí** ennant sarál orars nös por le Messes a Oies: dedolönesc, dedemesaledema, jöbia: **19:30** vendres, sabeda, domogna: **16:00**

L'interessenza de Fanes ten söa sontada anuala en domogna, **ai 21 d'aurí, les 10:30** sö la Gran Ciasa. Düc chi co met tiers a munt sön Fanes é enviés da to pert con idees y propostes. Al gnará ince lité danö le consei.

Le Sorvisc ai Jogn Val Badia met a jí en curs da fá sushi en vendres, **ai 31 de ma**, dles 16:00 ales 19:00, tal zenter dla joneza y dla cultura Saj.un a La lla. Referent sará le cogo Simone Cantafio. Scrí ete se pó düc i interessés dai 16 agn ensö al numer 371 5688564 o por e-mail a samuel@jogn.org. Le prisc d'iscriziun é de 15 € a porsona.

Le Raiun Sozial Val Badia a Picolin romagn slüt ai **26 d'aurí**.

I senioren dal KVV fej en iade sön le Ritten ai **24 d'aurí**, les 8.45 dal Cone demez.

Döt le bun a: Signor Iaco Ploner, *Porsenú* * 22.04.1944
Vittoria Trebo Winkler, *Balsan* * 23.04.1939
Maria Obermair, *Leifers* * 25.04.1938
y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Roman Frontull
Comunicaziuns: cina le **dedemesaledema** sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ



Ann B

21.04.2024 - Cuarta domogna de Pasca

n. 21

Iu sun le bun famei.

I conesci i mi, y i mi conesc me. Alleluia.

(aclamaziun dan le Vangelo)

📖 **St.Ap 4, 8–12 | 1 Jan 3, 1–2 | Jan 10, 11–18**

*Trepes plates dla Bibia cunta dal amur de Chel Bel Dio. Plü bel de döt nes spliga cösc amur Gejú enstes con na imaja sciompla, cunesciüda dala jont da enlaota tla Palestina, la pilora dal bun famei. Ara s'emprescioneia ince ciamó nos jont dal dedaencö (Vangelo). Te en raiun der püre de vegetaziun desco la Palestina conesc le famei chi püc posé da erba y da fontanes, y el se crüzia y se festidieia de vignöna de söes biesces. Desch'ara é danter famei y sü tiers, mostra Gejú le lian der stront y personal co é danter el y i sü. Da bun famei á Gejú dé ca söa vita por i sü, dé ca söa vita por se salvé. Porchel encünda la Dlijia con les parores de san Pire: „Degün ater ennom ne ti é gnü dé ala jont sön cösc monn, en virtù de chel che ara pó se salvé“ (1ª letöra). Ma che le monn ne l'azeta nia y n'azeta porchel gnanca chi co ten da d'el, desche san Jan dij. Ma chi endere co ne ven nia ma nominés, mo é fis de Dio, ti somieia a d'el, canche al gnará y se manifestará al monn. Porchel tignunse nos da d'el y ne se lasciun nia egiane da fameis falc (2ª letöra).
da "Bibia di Sandís"*

Dal Vangelo do San Jan:

Te chel tomp á Gejú dit: ¹¹Iu sun le bun famei. Le bun famei dá ca söa vita por les biesces. ¹²Le fant tut sö a paiamont endere, co ne n'é nia famei y de chel che les biesces ne n'é nia, lascia les biesces sores y s'an sciampa canch'al veiga gnenn le lu; le lu les scherza y les sprigora endalater. Al s'an sciampa, ¹³ciodi ch'al é ma en fant a paiamont y ciodiche les biesces ne ti an val nia. ¹⁴Iu sun le bun famei; iu conesci i mi, y i mi conesc me, ¹⁵desche le Pere conesc me y iu conesci le Pere; y iu dá ca mia vita por les biesces. ¹⁶Á ciamó d'atres biesces, co n'é nia fora de cösta stala; ince cheres messi condü y ares ascutará mia usc; spo sarál ma önn en pastorec y önn en famei. [...]



Iu sun le bun famei.

Jan 10, 11

📖 *Letöres dla Cuinta domogna de Pasca:*

St.Ap 9, 26–31 | 1 Jan 3, 18–24 | Jan 15, 1–8

Edema liturgica dai 21.04. ai 28.04.2024		
DOM 21.	Cuarta domegna de Pasca De mondial d'oraziun por les vocaziuns religioses	Anselm da Canterbury, Konrad da Parzham
08:15	gran messa por dōta la ploania s.m. d'aniversar por † Jan Maneschg, da Poz s.m. d'aniversar por † Ida Frontull, Mareo s.m. por †† Germano y Maria Frontull, Mareo	offerta por la ploania
14:00	a Pliscia, s.m. en onú de San Iorz por vis y †† dla fam. Kastlunger dal Mone	♫ grup dal cor
10:00	gran messa a Al Plan	
Lön 22.	Wolfhelm, Cajus	
→ 07:45	s.m. dai scolari s.m. por †† Berta y Siegfried Frontull, Janin s.m. por †† Tone y Jep Kehrer, Costamesana	
Ded 23.	Georg, Iorz (patron da Pliscia), Adalbert, Fortunato	
07:30	s.m. a Antermeia	
Dem 24.	Fidelis da Sigmaringen, Wilfried, Theodor	
Jöb 25.	 festa de San Merch evangelist, Hermann, Franca, Erwin	
→ 19:00	oraziun da Taizé	
Ven 26.	Maria dal Bun Consei, Maria Consuelo, Cleto, Helene	
07:30	s.m. a Al Plan	
Sab 27.	Pire Canisius, Zita	
07:30	s.m. en onú de Sant Antone y San Salvester s.m. por †† Deto y Maria Fiung, Longega s.m. por vis y †† dla familia dal Sartú	
18:00	s.m. prefestia a Al Plan	
DOM 28.	Cuinta domegna de Pasca FESTA DLA PRÖMA SANTA COMEGNUN	Pire Chanel, Ludwig Maria Grignon de Montfort
→ 10:00	i acompagnun les 5 mitans y i 9 mituns dla Pröma Santa Comegnun da paiun sō te dljia gran messa por i comunicanc y sōes families y por dōta la ploania	♫ grup de mituns y mitans
10:00	gran messa a Al Plan	
ampola:	por la sanité	
ministronc:	<ul style="list-style-type: none"> • lönesc y sabeda: Mark y Damian • domegna: Sofia El. y Mattia, Sara F. y Jonas 	
i recordun:	Matthias Ellemunter, Sexten	† 21.04.2019

Le bun famei

I ponsun do:

Trepes porsones é loades sō por se mostré potentes y insuperables. Por sōes ideas áres fat morí miliuns de porsones. L'unich co á veramonter potenza n'á nia lascé morí i atri por sū proiec. El enstes é mort por che i atri pói vire: desco bun famei á Gejú dé ca la vita por sōes biesces. Cōsc se dá la forza da realisé con fedelté nosc compit de vita y da se porté ete ince por i atri.

I periun:

Dio fedel, desco bun famei á to Fi dé ca la vita por nos. En cōsc de mondial d'oraziun do vocaziuns spirituales te periunse: dasse porsones co fistidiea, desco to Fi, da bogn fameis por les animes. Por Gejú Crist, nosc Signur.

Vesco Wilhelm Egger
"Sonntagsbibel"



Oraziun do vocaziuns

Gejú, tō bun famei, endespra te dōtes les ploanies vocaziuns da prei, diacons, porsones de convont, miscionars y laics co se dá da fá, aladō dai debojūgn de dōt le monn, a chel che tō i os bun y che tō os salvé.

Cherieia danter nos le tlima de fede dai pröms cristians, por ch'i podunse ester n cenacolo d'oraziun, arjigné a tō sō le Spirit Sant con sōes scincundes.

Stái dlungia a nūsc fameis y a dōtes les porsones co é consacrades a n sorvisc tla dljia.

Oj tōa odlada d'amur sōn i trec jogn de bona orenté y cherdi a te gní do. Deidi capí che ai pó ma se realisé deplen te té. Amen

(Papa Jan Paul II^o)

Le bun famei (Salm 23)

Enlaota viêl a Bétlehem en el co á ennom Ísai. Al ea en nu de Booz y de Rut y al á ot mituns. Le plü jonn á ennom Davíde. Davíde vardâ les biesces de so pere. Vigne de les condūjêl sōn pastōra, se fistidiâ de eres y ciarâ lapró. Canch'ares á sei les condūjêl pa en poz. Y sce en tier salvare ti gnea pomez ales biesces, saltâl atira a le paré demez con so bastun. Davíde ea trep tomp su pa sōes biesces. Gonot se tolêl do na erpa y sonâ lassora. Lapró ciantâl sōes ciances, ince la ciancia "dal bun famei":

„Le Signur é mio famei.

Al ne mo mancia nia.

Al mo lascia pone sōn pastōres verdes y al mo condūj pa l'ega fresca.

Al enfrescheia mia anima.

Al mo condūj sōn les dertes semenes deache al é fedel a so ennom.

Ince sc'i messi passé fora por na val scōra, ne mo temi da degün mal, deache tō es con me,

tōa maza y to bastun mo dá consolaziun.“